

2 Timoteo

Pablo Timoteore dipaturi gojabeopu

1 ¹⁻² Mũhũ Timoteo yũ magũ iro dopa ta yũ mahigũ āhraa. Yũhũ Pablo mũre ire gojabeoa. “Árĩpehrerã Jesucristore umupeorã mũsũgũe òaro árĩnũguicãrãcoma,” arĩ apimi marire Goãmũ. Ĩgũ eropa arĩ apirare werebure yũre beye apimi Jesucristo Goãmũ ĩgũ gamero dopa ta. Eropĩgũ Goãmũ mari Pagũ Jesucristo mari Opũ mera mũre òadoreo. Eropĩgũ ĩgũ itamuri mera òaro árĩque mũhũ.

Masare Cristo yare erã wererare wereru Pablo

³ Goãmũ mera werenĩguĩgũ mũ ya árĩburire serẽnũguicãa mũmuri nũcũ. Eropa serẽgũ Goãmũre “Òhaa,” arãa yũhũ. Iribojegũe majarã yũ acawererã ñeri dipuwaja mariro ĩgũ Goãmũre ta umupeoũuma. Erã umupeodiro dopa ta dohpaguere yũ sã ĩgũ Goãmũre ta umupeoa. Ĩgũ Goãmũ gohra ta āhrimi yũ mũre serẽbasagũ. ⁴ Sohõ árĩrasubure yũ wacũ mũ orenũrusiarare guĩagũ mũre turaro ĩadiaca daja mũ mera òaro mucubiridiagũ. ⁵ Eropĩgũ Jesure diaye ta mũ umupeorire guĩaa yũhũ. Mũ ñeco bũro Loida, mũ pago Eunice sã Jesure umupeomũhtama mũ core. Eropĩgũ dohpaguere ĩgũre mũ umupeocũ òaro masia yũhũ.

⁶ Eropĩgũ ire mũre guĩacũ iidiaa. Mũ dipuru weca yũ duhpocũ Goãmũ ĩgũ ya turarire omi mũre. Ĩgũ ya árĩburire mũ mohmemasiburire mũre omi. Iri mohmemasiburi mera mohmeque mũhũ. ⁷ Goãmũ marire ĩgũ Espĩritu Santore omi. Mari mera árĩgũ masare marire guĩcũ iibeami Espĩritu Santo. Eropĩgũ turarã, masare mahirã, pee masirã mari árĩcũ iimi ĩgũ. ⁸ Eropĩgũ mari Opũ ya árĩburire gajirãre weregũ guhyasĩribita mũhũ. Yũhũ ĩgũ yare iicũ ĩha gajirã gamebirã yũre peresugũe doboma. Peresu yũ árĩcũ sãre ĩagũ yũre guhyasĩrisãbircãque. Mũhũ siporãguere ñero bujawerebircãque. Òari buherire mũ buheri dipuwaja mũ sã eropa wagũ “Òaroca,” arĩ pepĩque mũ sã. Mũ eropa ñero taricũ ĩagũ Goãmũ mũre itamũgũcumi. ⁹ Eropĩgũ Goãmũrũ marire peamegũe wabonĩrãre taumi. Eropĩgũ òarã ĩgũ yarã árĩmorãre beyeru ĩgũ. “Òarã āhrima erã. Eropĩgũ erãre beyegũra,” arĩbiripũ marire beyegũ. Ĩgũ marire mahigũ ta negohragũere marire beyeru ĩgũ gamero dopa ta iigũ. “Eropĩgũ Jesucristore erãre taubure obeogũra,” arĩ beyeru

marire. ¹⁰Eropigu dohpaguere Jesucristore marire taubure obeodigu árîmi marire diaye ta îgu mahirire îhmugu. Eropigu Jesucristo marire taugu marire îgu yaräre dederebiricû iimi. Eropa iigu “Yüre umupeorã Goãmũ mera ôaro árînguicãrãcoma,” arîgu ôari buherire marire weregu aripũ îgu.

¹¹Eropigu i ôari buherire werebure îgu apimi yure. ¹²Eropa îgu yare buhegu árîgu dohpaguere ñero taria yuhũ. Eropa ñero tariqueregu ta sîporã mucubirigu âhraa. Yũ guñaturagure Jesure masia yuhũ. Turagu âhrimi îgu. Eropigu îgu yare buhedore apigu ôaro itamugucumi. Eropigu îgu yare apirare yure buhe ojogorocucũ îhadibugucumi yure. “Yüre itamugucumi,” arî irire ôaro masigu sîporã mucubirigu âhraa.

¹³Mũre yũ wererare ipehocãque. Jesucristo mũre îgure ôaro umupeocũ iimi. Eropigu îgure gajirã sãre ôaro mahicũ iimi mũre. Eropigu “Diaye âhraa,” arî irire guñaniguicãque mũhũ. ¹⁴Eropigu Espírîtu Santo mari mera árîgu îgu itamuri mera ôari buherire ôaro buheque. Queoro buheque gajiropa arîro mariro.

¹⁵Yũ peresugue árîcũ iarã yũre cóãgãpehrea wama. Árîpehrerã Asia yeba majarã Jesu yarã yũre itamudiabirã cóãgãpehrea wama. Erã mera majarã perã Figelo, Hermógene eropa ta iima erã sã. Erã eropa cóãgãrãre masituhaca mũhũ. ¹⁶⁻¹⁷Erã eropa cóãquerecũ ta Onesífropũ bajasuburi yũre itamugu ôaro siñajacũ iimi. Eropigu îgu yũ peresu árîcũ îgu yũre guhyasîrisãbeami. Eropigu Romague eragu yũre amaniguicãdi árîmi. Eropa amaniguigu yũre bocami. Efesogue sãre îgu marire itamurare ôaro masia mũhũ. Îgu eropiira waja îgu porãre, erã pago sãre mojomoro îagucumi mari Opũ Jesucristo. Goãmũ eropa iiboro dopa îgure serẽbasaa. ¹⁸Eropigu i yebague Jesu mari Opũ dujarirînũ arîgu îgure mojomoro îagucumi. Îgure eropa iiboro dopa ta serẽbasaa Goãmũre.

Ñero tariqueregu ta Jesu yagure bocatîuro gahmea

2 ¹Mũpũ yũ magũ iro dopa ta Jesucristo îgu itamuri mera turagu árîque. ²Eropigu bajarã masare yũ buherare mũ peerare gajirã sãre wereturiaque mũhũ. Erã mũ buherã Goãmũ gamerire iiniguicãrã árîporo. Eropirã gajirãre buheturiarã árîporo erã sã.

³Surara ñero tarigu îgu yujuro bojero dopa ta Jesu yagu árîgu ñero tariqueregu yujuro bojeque. Eropa iigu gajirã Jesu yarã iiro dopa iigu iiaa mũhũ. ⁴Surara îgu opũ îgu doreripũre iimi. Eropigu îgu surara árîbirã erã iiripũre iibeami îgu. Mũ sã eropa ta mari Opũ îgu dorera dihtare iique. ⁵Omabiragu erã dorediro dopa queoro iibigu îgu omatariara waja wajatabeami. Eropa ta mũ sã Goãmũ dorediro dopa ta iibigu Goãmũ mera wajatasome. ⁶Eropigu pohere ôaro mohmedigupũ îgu mohmera waja iri pohe majare aĩmũhtami. Eropa ta mũ sã Goãmũ yare ôaro mohmera waja Goãmũ oburire aĩmũhtagũca. ⁷Irre ôaro masicũ iigucumi Jesu mari Opũ mũre. Eropigu dohpaguere yũ mũre arĩdirore ôaro guñaque.

⁸Jesucristore guñaque. Îgu opũ Davi mũpũ pãrami îgu árîpũ. Eropigu sîridigu masa mũriapũ îgu. Îgu eropa sîri masa mũriara marire tauburi

buheri ta āhraa. I ōari buherire buhegū iiaa. ⁹Iri buherire buhegū ñero taria yūhū. Eropirā irire yū buhecū iha gajirā gamebirā ñegu iro dopa ta yūre dipuwaja moa yūre peresugue doboama. Masa yūre cāhmotaquererā Goāmū ya ōari buherire cāhmota masiya mara. ¹⁰Eropigū Goāmū ĩgū beyenirāre buhegū bajasuburi ñero taria yūhū erā Jesucristo yarā erā árĩburire. ĩgū yarā árĩborore erā peamegue wabonirāpū tauborore ñero tarigū yujuro bojea. Eropigū erā Goāmū mera ōaro árĩnigucāborore ñero taria ĩgū yare buhegū.

¹¹ I diaye ta āhraa:

Cristo ya árĩburire mari iira dipuwaja gajirā marire wejēquerecū ĩgū mera ũmūsigue ōaro árĩnigucārāca. ¹²Eropirā ĩgū yare mari iira dipuwaja ñero tariquererā ta ĩgū yare duhubirā árĩrā ĩgū opū árĩroguere ĩgū mera dorerā árĩrāca mari sã. “Cristore yū masibea,” mari gajirāre arĩcū ĩgū sã marire eropa ta arĩgūcumĩ.

¹³ ĩgūre mari tarĩnūgacū ĩagū ĩgū arĩdiro dopa ta marire dipuwaja moagūcumĩ. ĩgū arĩro dopa ta iigū āhrimi ĩgū. Ne gūyabeami ĩgū. I árĩpehreri ĩgū werera diaye ta āhraa.

Goāmū ĩgū ĩhasuarāre, ĩgū yare buherāre werepū Pablo Timoteore

¹⁴Ire yū wererare mū mera majarāre masicū iique. Erā ejatuharo game dūyaso werenigūiri duhpĩburi árĩbea. Eropirā erāre peerāre ñero wacū iima. Eropigū mari Opū ĩgū ĩhuro ōpa arĩ wereque erāre. “Mūa eropa werenigūiro dopa werenigūibiricāque,” arĩque erāre. ¹⁵Mūpū Goāmū yare ōaro buheque. Eropigū Goāmū ya árĩburire turaro iique. Mū eropa iicū ĩagū “Ōaro iibū mūhū,” arĩgūcumĩ Goāmū mure. Eropigū mū buherare ĩgū ĩacū gūhyasĩrisome mūhū. ĩgū buheri diaye āhraa. Eropigū ĩgū buherire ōaro masique. Eropigū ire queoro buheque. ¹⁶Erā ejatuharo bu árĩrĩre werenigūirā ñerire eropa iinigūicāma. Eropigū erā eropa arĩ werenigūirire iha gamebircāque mūhū. ¹⁷Erā werenigūiri camiro boagāro iro dopa ta āhraa. Erā werenigūiri gajirā Jesu yarāre ñerā wacū iiaa. Eropa werenigūirā mera majarā Himeneo, Fileto sã āhrima. ¹⁸Eropirā erā ōari buherire cóarā, “Jesu yarā sĩrinirā erā ya dupū mūra masa mūriatuhanirā āhrima,” arĩ buhemaacāma. Eropa gajiropa buherā bajamerāgā Jesu yarāre goroweorā iima. ¹⁹Erā eropa ñero buhequerecū ta, Goāmū ya buheripū ne gohrotobea. ĩgū ya diaye maja árĩro pehrebea. Ōpa arĩ gojara āhraa: “Mari Opū ĩgū yarāre masimi. Eropirā árĩpehrerā Jesu yarā āhraa,” arĩrā ñerire duhucāporo,” arĩ gojañuma.

²⁰Jesu yarā watope āhrima Goāmū yare ōaro iirā. Gajiropa iirā sã āhrima ñeri buherire werenigūirā. ²¹Eropigū yujugū Goāmū ya árĩburire ōaro itamudiagū iri ñeri buherire peebircāporo. Árĩpehreri ñerire duhucāporo. ĩgū eropiigū ōagū árĩgū árĩpehreri Goāmū yare ōaro iimasimi. Goāmū gamegū ōaro árĩgūcumĩ.

²²Eropigū mū mamū árĩgū mamarā erā ñeri ũaribejari iro dopa iibircāque. Eropigū ōarire iique. Jesure umupeoturanigūicāque. Eropigū ĩgūre masa sãre mahi umupeoque. Eropigū gamequeāro mariro gajirā mera ōaro árĩque mūhū. Eropa ta iique gajirā ñeri dipuwaja marirā mera Goāmūre game serēnigūirā

mera árġu. ²³Eropiġu pee masibirā erā arġ dūyasorire mu sã peenurubita. Eropiġu mu sã dūyasobita. Eropa arġ dūyasorā masa game gameturinugama. ²⁴Mari Opu pohro majagure dūyasobiricāro gahmea. Eropiġu árġpehrece erē ōaro iigu buhemehregu, mata guabigu ġure árġro gahmea. ²⁵Eropiġu gajirā ġu mera dūyasocū ġu erēre weregu ōaro mera yojaro mariro mera yuhrġro gahmea ġure. Ĥgu ōaro yuhrġcū ġarā erāpu Goāmū ġu itamuri mera erā šeri iirire bujawerebocoma. Eropirā ōari buherire diaye majare masinugabocoma. ²⁶Erāre watġ oparimi ġu gamerire iimorāre. Eropirā erā šero iirare bujawerera puhrū ōari buheripure masirā, watġre cóārācoma.

Pehreburinū majare werepu Pablo Timoteore

3 ¹I mū pehreburinū coregā šero tarirācoma masa. Iirire ōaro masique mūhū. ²Irisubure masa gajirāre guñabirā, erā ya árġburi dihtare guñarā, niyure gamerā, “Gajirāre tarinugaa gu,” arġ erā basi pepirā, masare šero turirā, erā pagu sumarāre tarinugarā, erāre oquerecū ta “Ōhaa,” arġbirā, Goāmure umupeobirā árġrācoma. ³Eropirā masare mahibirā, mojomoro ġabirā, šeri quere iirā, šeri uarġbejarire duhumasibirā, masare eropa paniguirā, ōarire gamebirā árġrācoma. ⁴Erā mera majarāre šero iirā, pepiri moorā, “Masipehorā āhraa,” arġ pepirā árġrācoma masa. Eropirā erā, erā uarġbejarire iisuarā árġrā Goāmure umupeo suabeama. ⁵Eropirā erā masa erā ġhabeoro Goāmure umupeoquererā ta “Goāmū duhpibu árġbeami,” arġ pepirima erā.

Eropa árġrāre wapicubiricāque mūhū. ⁶Erā mera majarā pee masibirā nome pohro šaja, erā nomere guyarire buhema. Erā nomepu turaro šerire iiniguirā árġrā, turaro šerire iidiarā āhrima. ⁷Erā nome eropa peeniguirā nome árġquererā ta, diaye majapure ne masibeama. ⁸Iribojegue Jane, Jambre sã yeea árġnirā Moise wererare gamebiridiro dopa ta erā sã ōari wereniguirire diaye majare gamebeama. Erā šeri dihtare pepirā āhrima. Eropirā Jesure umupeorā gohra árġbeama. ⁹Eropa iirā guyarġ mera erā iidiarire yujuro bojesome. Puhrū erā guyarire, erā pee masibirġi säre árġpehrece ġha masirācoma. Jane, Jambre mera erā guyarire iribojegue masa erā ġha masidiro dopa ta eropa ta masirācoma masa pehreburinū coregā árġrā erā guyarire.

Pablo Timoteore doretupu

¹⁰Mūpu yu buherāre, yu árġricurare, yu iidiarare, Jesure yu umupeorare ōaro ġhabū. Eropiġu guaro mariro yu iirare, masare yu mahi umupeorare, šero tariqueregu yu yujuro bojerare masia mūhū. ¹¹Eropiġu Jesucristo yare yu iira waja yure erā šero iirare, yu šero tarġrare masia mūhū. Eropiġu Antioquíague, Iconioague, Listrague yure šetariaro erā iira säre masia mūhū. Eropa yu wacū ġha mari Opu Jesucristopu yure itamumūrimi. ¹²Árġpehrece Jesucristo yarā árġdiacū Goāmū gamerire iiniguġiacū gajirā erāre šero iirācoma. Iri diaye ta āhraa. ¹³Eropirā šerāpu, guyarā sã, šetariarā árġniguġicārācoma erā. Gajirāre guyarā, erā basi sã guyarire peerā eropa ta šetariarā árġniguġicārācoma.

¹⁴Mũpũ yũhũ mũre buherare òaro mũ peerare eropa iiniguicãque. Mũre buhenirãre masia mũhũ. ¹⁵Mũ majigu árigũgue ta, Goãmũ yare erã gojarapũre masinũgayoro. Īgu yare erã gojarapũ mũ buhegu masia Jesucristo marire tauburire. Eropa buhegu “Jesucristore umupeorã dihtare peamegue wabonirãre taumi Goãmũ,” arĩ masia. ¹⁶Goãmũ yare erã gojarapũre áripehrerire Goãmũpũ gojadorepũ erãre. Eropirã iripũre buherã mari masinemoa. Iripũre buherã mari òaro iiburire masia. Eropirã mari ñeri iirire masia iripũre buherã. Eropiro iripũ marire òaripũre gohrotodorea. Eropiro mũmũri nũcũ mari òarire mari iiniguiburire werea iripũ. ¹⁷Eropigu Goãmũ yagu ĩgu yapũre buhegu, masipehocãgũcumi. Eropa masigu áripehrerire òarire iimasigũcumi ĩgu.

4 ¹Jesucristo áripehrerãre doregu arigu dujarigũcumi. Eropa dujarigu ojocarirãre, s̄irininã sãre dipuwaja moagũcumi. Eropigu ĩgu ĩhabeoro ire mũre dorea yũhũ: Goãmũ sã ĩgu ĩhabeoro ire dorea mũre. ²ũmũri nũcũ masa erã peediacũ, erã peediabiricũ sãre Goãmũ yare wereque. Eropa weregu masare erã ñeri dipuwajare masicũ iique erãre. Eropigu “Mũa ñeri iirire iinembiricãque,” arĩ wereque erãre. Òaripũre iidoreque. Eropa weregu ne guabigu gariborebigũ árique mũhũ. Eropigu gajirãre buhe duhubita. ³⁻⁴Pũhũ, gajisubuguere masa òari buherire peediasome. Eropa peediabirã erã gamero dopa ta iirã, erã peediari dihtare buhemorãre amarãcoma erã. Eropirã guyari buherire buherã bajarã oparãcoma erã. Erã eropa iirã òari buheri diaye majapũre cohã, erã eropa arĩ bocara buheripũre peenũnrãcoma. ⁵Eropigu mũpũ diaye majare buhe duhubita. Eropa iigu mũmũri nũcũ òaro pee masigu árique. Eropigu ñero tariqueregu ta uyũro bojeque. Eropigu òari buherire eropa buheniguique masa Jesu yarã waboro dopa. Goãmũ mũre ĩgu iidorerare iipehocãque mũhũ.

⁶Yũhũ Goãmũ yare yũ iira dipuwaja yũ s̄iriboro merogã dũhyaa. Eropigu bajamenũrigã árinigũca. Eropigu dohpaguere mũre dorea. ⁷Yũ s̄iriboro coregã ire wereguãra: Jesucristo yũre òari buherire buhedoregu ĩgu apirare òaro buhe ojogorocũabũ. Īgu dorerire òaro iipehocãbũ. Eropigu ñero tariqueregu ta ĩgure ne umupeo duhubiribũ. ⁸Yũ eropa òarire iira wajare mũmũsigue dibugũcumi yũre. Eropigu mari Opũ áripehrerãre masipehogũ, diaye ta dipuwaja moabu árigũ, queoro weregu ĩgu dujaririnũ yũ wajatarare ogũcumi yũre. Gajirã sãre ĩgu dujariborore corerãre, ĩgure mahirãre erã wajatarare ogũcumi Jesu.

Pablo werenemopũ Timoteore

⁹Yũ pohrogue yojaro ĩagu arique mũhũ. ¹⁰Dema waĩcũgu i yeba majare áripehrerire gamegu yũre cóãgã waha wami Tesalónicague. Crescentepũ yũre cóãbiriqueregu Galacia yebague wahãmi Goãmũ yare buhegu. Tito sã eropa ta Dalmaciague wahãmi. ¹¹Luca dihta yũ mera áhrimi. Marco yũre òaro itamubu áhrimi. Eropigu ĩgure aĩgãrique mũhũ. ¹²Tíquicore Efeso macague obeoabũ. ¹³Eropigu mũhũ ògure arigu, yũ weca sañari suhrirore, Troa maca Carpo ya wihĩ

yá apirañere aĩgãrique. Eropi sohõ árĩra gojara turirire aĩgãrique. Sohõ árĩra gojara gasiri tamerare turaro gahmea yuhũ. Eropigũ iri gasiri sãre aĩgãrique.

¹⁴Alejandro comere mohmegũ yũre ñetariaro iimi. Eropigũ igũ eropa iira dipuwaja Goãmũ dipuwaja moagũcumi. ¹⁵Igũ Alejandro mari buherire ne gamebirimi. Eropigũ muare ñero iiri arĩgũ ðaro igũre guña masique.

¹⁶Peresu iidoregũre yũ iirare igũre yũ ne werecũ ne yujugũ Jesu yagũ yũre itamudiabirimi. Árĩpehrerã yũre itamubirã cóãgãpehrea wama. Erã eropa cóãquerecũ ta yũre erã cóãra dipuwaja Goãmũre “Erãre dipuwaja moabita,” arĩbũ. ¹⁷Yũ yujugũ ta árĩquerecũ ta Goãmũ ðaro ãhrimi yũ mera. Eropigũ igũ buherire yũ ðaro wereburire weremasicũ igũ turari mera itamumi yũre. Árĩpehrerã Judio masa árĩbirã iri buherire erã peeburire werecũ itamumi. Eropigũ masa erã yũre ñero iidiaquerecũ ta yũre erã ñero iibodigũre itamumi mari Orũ. ¹⁸Árĩpehrerire erã yũre ñero iirire yũre taugũcumi mari Orũ. Eropigũ mũsigue igũ Orũ árĩrogue yũ árĩborore itamugũcumi igũ. Eropirã “Mari Orũ õatariagũ, turatariagũ ãhrimi,” árĩpehrerinũri arĩrã mari. Eropa ta arĩrã.

Pablo õadorepũ Timoteo pohro árĩrãre

¹⁹Priscila, igo marapũ Aquila, Onesíforo ya wihi majarã sã õaporo. ²⁰Erasto Corintogue dujami. Trófimo dorecũa wahámi. Eropigũ Miletogue apiabũ igũre. ²¹Puhiró core yojaro arique mũhũ. Eubulo, Pudente, Lino, Claudia sã, árĩpehrerã Jesu yarã mũre õadorema.

²²Mari Orũ Jesucristo mũ mera árĩporo. Eropigũ muare Goãmũ mera turaro õadorea. Eropa ta árĩniguicãporo. Iripẽta ãhraa.